

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE I  
POSLOVE MJESNIH ZAJEDNICA  
Broj: 03-04-2147/20  
Lukavac, 18.06.2020. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), Rješenja Ureda za razmatranje žalbi broj: JN2-03-07-1-1098-11/20 od 11.06.2020. godine, te Preporuke Komisije za provođenje postupka javne nabavke broj: 03-04-2147/20 od 17.06.2020. godine u otvorenom postupku javne nabavke radova za modernizaciju i proširenje javne rasvjete na području općine Lukavac, Pomoćnik općinskog načelnika za Službu za investicije i poslove mjesnih zajednica d o n o s i

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 03-04-2147/20 od 17.06.2020. godine, te se Ugovor za javnu nabavku radova za modernizaciju i proširenje javne rasvjete na području općine Lukavac dodjeljuje grupi ponuđača „ERING d.o.o Živinice, Elvik d.o.o Srebrenik, KOPKOMERC d.o.o Živinice i KLAUS LEHMANN GmbH d.o.o Gračanica“, koja je dostavila ponudu broj: 80/20 od 10.04.2020. godine, za ponuđenu cijenu u vrijednosti od 231.641,92 KM bez PDV-a kao najpovoljnijem ponuđaču.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-2070/20 od 17.03.2020. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 265.000,00 KM.

Obavještenje o nabavci broj: 719-1-3-17-3-36/20 objavljeno je na Portalu javnih nabavki dana 24.03.2020. godine.

Dana 27.04.2020. godine donesena je Odluka o izboru najpovoljnijeg ponuđača kojom je ugovor za javnu nabavku radova za modernizaciju i proširenje javne rasvjete na području općine Lukavac dodjeljen grupi ponuđača „ERING d.o.o Živinice, Elvik d.o.o Srebrenik, KOPKOMERC d.o.o Živinice i KLAUS LEHMANN GmbH d.o.o Gračanica“.

Na Odluku o izboru najpovoljnijeg ponuđača broj: 03-04-2147/20 od 27.04.2020. godine, grupa ponuđača „ELEKTROCENTAR Petek d.o.o Tuzla i KALELEKTRIK d.o.o Živinice“ je izjavio žalbu koja je usvojena kao osnovana.

Pored toga, na Odluku o izboru najpovoljnijeg ponuđača i konzorcij ponuđača „NEXEN d.o.o Banja Luka i STRUJA BN d.o.o Bijeljina“ je izjavio žalbu.

Ugovorni organ je razmatrao navedene Žalbe, te je po istim postupio u skladu sa članom 100. stav (5) Zakona o javnim nabavkama BiH, odnosno Žalbe proslijedio Uredu za razmatranje žalbi, zajedno sa izjašnjenjem i kompletnom dokumentacijom vezanom za postupak.

Zaključkom broj: JN2-03-07-1-1129-8/20 od 04.06.2020. godine Ured za razmatranje žalbi je Žalbu konzorcija ponuđača „NEXEN d.o.o Banja Luka i STRUJA BN d.o.o Bijeljina“ odbacio kao neurednu, a Rješenjem broj: JN2-03-07-1-1098-11/20 od 11.06.2020. godine Žalbu grupe ponuđača „ELEKTROCENTAR Petek d.o.o Tuzla i KALELEKTRIK d.o.o Živinice“ usvojio i poništio Odluku o izboru najpovoljnijeg ponuđača broj: 03-04-2147/20 od 27.04.2020. godine, te predmet vratio Ugovornom organu na ponovni postupak.

Nakon prijema Rješenje Ureda za razmatranje žalbi, Komisija za provođenje postupka javne nabavke je dana 17.06.2020. godine izvršila ponovni uvid u ponude svih ponuđača.

Na zatvorenoj sjednici Komisije za nabavke održanoj dana 17.06.2020. godine, Komisija je izvršila provjeru kvalifikacija ponuđača, te konstatovala da su ponude grupe ponuđača „ELEKTROCENTAR Petek d.o.o Tuzla i KALELEKTRIK d.o.o Živinice“, konzorcija ponuđača „NEXEN d.o.o Banja Luka i STRUJA BN d.o.o Bijeljina“ i grupe ponuđača „ERING d.o.o Živinice, Elvik d.o.o Srebrenik, KOPKOMERC d.o.o Živinice i KLAUS LEHMANN GmbH“ d.o.o Gračanica“ kvalifikovane za dalji postupak dodjele ugovora, dok ponude ponuđača „LUMINOS“ d.o.o Sarajevo i grupe ponuđača „Tuzex d.o.o Tuzla i ARCADE d.o.o Tuzla“ nisu kvalifikovane za dalji postupak dodjele ugovora iz sledećih razloga:

Ponuđač „LUMINOS“ d.o.o Sarajevo se nije kvalifikovao za dalji tok javne nabavke jer je u ponudi dostavio samo obrazac za dostavljanje ponude i nacrt ugovora.

Grupa ponuđača „Tuzex d.o.o Tuzla i ARCADE d.o.o Tuzla“ nije se kvalifikovala za dalji postupak dodjele ugovora obzirom da je u ponudi dostavljena kataloška dokumentacija proizvođača za uličnu LED svjetiljku LV-U18 eximus 45 W, iz koje je vidljivo da je aluminijski nosač obojen elektrostatičkim postupkom, ali ne i da posjeduje mrežni priključak 3X1 mm<sup>2</sup>. Budući da je tehničkim dokumentom ponuđač bio dužan dokazati da ponuđeni proizvod posjeduje sve zahtjeve u skladu sa tenderskom dokumentacijom, isti priloženom kataloškom dokumentacijom nije dokazao da ponuđeni proizvod posjeduje mrežni priključak 3X1 mm<sup>2</sup>.

Navedena grupa ponuđača dostavila je Izvještaje za ispitivanje LED ulične lampe na mehaničku zaštitu (IP) i ispitivanje na mehanički udar (IK) broj: 2073-4/2017 od 24.05.2017. godine. Uvidom u izvještaj utvrđeno je da je ispitivanje LED ulične lampe izvršeno 23.05.2017. godine u „Ex“ Laboratoriji Instituta za preventivu Novi Sad. U ponudi je dostavljen i Certifikat o akreditaciji izdat od Akreditacionog tijela Srbije Institutu za preventivu Novi Sad „Ex“ Laboratorija Novi Sad dana 06.12.2017. godine koji važi do 05.12.2021. godine. Obzirom da je traženo ispitivanje IP i IK zaštite izvršeno 23.05.2017. godine, a da je Certifikat o akreditaciji kako je već navedeno dodijeljen 06.12.2017. godine ponuđač nije dostavio dokaz da je laboratorija koja je vršila ispitivanje svjetiljki bila akreditovana u vrijeme ispitivanja.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 265.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %
- b) Rok plaćanja..... 2 %

Grupa ponuđača „ERING d.o.o Živinice, Elvik d.o.o Srebrenik, KOPKOMERC d.o.o Živinice i KLAUS LEHMANN GmbH d.o.o Gračanica“, dostavila je prihvatljivu ponudu sa cijenom u iznosu od 231.641,92 KM bez PDV-a i rokom plaćanja 60 (šezdeset) dana od dana prijema fakture, te je

primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. „ELEKTROCENTAR Petek d.o.o u Tuzli  
lider grupe ponuđača “ELEKTROCENTAR Petek  
d.o.o. Tuzla i KALELEKTRIK d.o.o. Živinice”,
2. „Nexen d.o.o u Banja Luci lider konzorcija ponuđača  
„NEXEN d.o.o Banja Luka i STRUJA BN d.o.o. Bijeljina“,
3. „Luminos“ d.o.o. Sarajevo,
4. „Tuzex d.o.o. Tuzla ovlaštene predstavnici grupe ponuđača  
„Tuzex d.o.o. Tuzla i ARCADE d.o.o Tuzla“,
5. „Ering d.o.o Živinice ovlaštene predstavnici grupe ponuđača  
„ERING d.o.o. Živinice, Elvik d.o.o Srebrenik, KOPKOMERC d.o.o. Živinice i  
KLAUS LEHMANN GmbH d.o.o. Gračanica“ i
6. Arhivi.-

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA

(ovlaštenje broj: 02-30-1800/20 d 28.02.2020.)

Emir Begić, dipl. ecc.



